



李何近體詩選序



明詩勝於弘正。猶唐由初。盛也。語曰。至音不則。大匠不斲。大匠不具。

弘正諸公。有之。而李何稱之。取夫。隲物。金玉。貴其。渾璞。色。則。貴。之。貴。貴。其。自。出。也。若夫。盡。變。織。乃。以。復。

渾璞者。獻吉。仲默。倡之。在。又。而。嘉。

隆不敢知矣。矧今之時稱詩者，  
學者以子詩定，須先律。李七律純  
杜五律則雜，用初盛唐音矣。何律  
調多中，顧七律擬杜者繁，有篇也。  
回氣少弱，故輸李一籌。選李激多  
何比擬，亡或忝錯，豈何不足。果以年  
耶。篇須一篇，無疵始收。佳聯者，割

求全瑜也。吾以巧拙論思，今巧也。揆  
其大與巧而鑿，毋寧質而真。思固  
不可設，與餘體俱不選。謂近難，古  
易。非古易，妄綴者。騁塗易，非近難。虛  
誇者，尋雅難。二公敵體，以近若夫。諸  
古並文，何更遜氣矣。李文六遜詩，千  
秋拾遺，供奉重案也。

萬曆己未一陽月下泮關中後學來  
復陽伯甫書於權署之岫雨樓

中



李空同先生近體詩選



關中來 復陽伯甫選

天黨郭世元漱六甫校

五言律詩

郊觀齋居東邊喬二太常

人日過仙院春霞縹緲分碧回瑤澤草紅綻  
藥宮雲獨處依松樹清齋對鶴群桃源知並  
入惆悵不逢君

郊壇值雪

鳳輦連宵發，鷄鳴雪滿畿。  
嚴隨黃鉞至，清繞翠華飛。  
伏謁深沾珮，朝回半濕衣。  
懸知清切地，冲默迓天威。

西天門候祀

瑤壇暮雪盡，月出禁門西。  
地靜鳴珂碎，沙寒簇仗低。  
臺官移斗柄，衛士掃雲梯。  
遙識龍文氣，爭傳法駕齊。

卧病酬邊君天壇步月見懷之作

霽夕開芳甸，祠官悵獨遊。  
銀潢橫殿落，璧月抱壇流。  
漢時饒燿霧，秦城逼斗牛。  
甘泉詞調絕，疲病若爲酬。

大行皇帝挽詩三首

弘治十八年五月

午門朝遂罷，西殿臨真哀。  
淚滿乾坤暮，日黃風雨來。  
虎賁猶宿衛，龍馭幾時迴。  
莫測皇天意，中崩帝業摧。

其二

大訓文華踐英謀武範遺先朝無顧命大漸  
問班師上食金輿備移宮素幔垂向來激切  
疏優渥小臣知

其三

元老炯仍在退朝無昔呼閒階惟玉輅夕日  
已金鋪望幸霓旌遠埋靈山殿孤君看霜露  
節冠冕灞陵趨

朱遷鎮廟

朱墓莽岑寂岳宮今在茲風霜留檜栢陰雨  
見旌旗百戰回戈地中原左衽時土人嚴伏  
臘偏護向南枝

陳祠在徐墓東

可訝司徒廟偏隣孺子墳哲人堪一哭漢鼎  
竟三分門引江畔草榻留松上雲紛紛車馬  
客誰此薦清芬

至黃花

黃花城壓岑山合，晝多陰坐見五陵霧來爲。  
九月霖泥生劒戟，澁寒重鼓鞞。沉寂冥松林  
外，那傳孤鴈音。

出塞二首

胡蔓黃河限秦亡，紫塞存磧沙。浮落日塞霧  
宿疎墩，哨馬三邊動。燒荒千里昏，將軍拜金  
印。白骨不曾論。

其二

磧日淡無暉，胡沙驚自飛。望烟尋戍壘，聞鴈  
忽沾衣。大將搜河套，遊兵出武威。賀蘭山下  
戰，昨日幾人歸。

環縣道中

西人習鞍馬，而我憚孤征。水抱琵琶寨，山衝  
木鉢城。裹瘡新罷戰，插羽又徵兵。不到窮邊  
處，那知遠戍情。

市汊夜泊

此夜章江月無端照獨舟人生真梗泛歲暮  
且帆遊臘逼寒燈焰波吞霽雪流坐吟風鴈  
起漁笛滿前洲

再至玉虛觀

龍沙欣自昔久泊遂今期雨露新松大丹青  
舊殿移岼雲通繡拱江日抱金池欲倚門東  
閣愁看日暮時

上方寺鐘樓

臺上一鐘鳴登臺萬里平蕪葭天正遠雲氣  
暮還生飢雀喧空澤黃蒿斷古城不堪臨眺  
屢况是感秋情

酬京師友人見寄

浮雲悲故國積水起鳴雷不見長安日愁登  
古吹臺故人三月別天上一書來欲問經行  
處山中杜若開



得何子過湖南消息

及遇荆門信。洞庭秋已淒。湘江饒苦竹。幾聽鷓鴣啼。馬援留銅柱。王褒祀碧鷄。向南衝瘴癘。藥物去曾携。

和許監察聞報之作

忽爾西邊信。飛傳過洛陽。幾箇齊豕突。何將鼠鷹揚。殺氣黃河接。烽烟紫塞長。籌兵有諫疏。早晚達明光。

送張監察還朝

北極星辰入。山河斧鉞歸。鳥爭車鷺疾。雨逆盖雲飛。御柳元搖珮。臺花且襲衣。聖心虛采納。忍使諫書稀。

送陳左使赴貴州二首

萬里洞庭西。秋風入五溪。瘴天開斧鉞。山驛斷虹蜺。水出牂牁繞。城臨井宿低。堂間花樹紫。簫鼓閱雕題。

其二

郡縣收殊俗封疆託此臣去披炎嶺霧坐使  
瘴花春獠部知徭賦夷官學縉紳誰期召伯  
樹蔽芾五溪濱

寄孟縣張明府

同年多出宰獨爾得河陽背郭圍王屋開門  
對北印詞章前令掩桃李舊花香何日乘雲  
起雙鳧入帝鄉

早春懷上方寺

此寺城中僻邊城野四圍青天直塔上落日  
稱僧歸殿古松風入臺春草雪微覓碑吾不  
懶所慮鳥驚飛

寄崔內史病還鄴

漳浦新歸客文園舊病身乾坤金馬外杖屨  
碧山春書合虞鄉著耕非桀溺倫漢庭文賦  
筆誰及茂陵臣

酬贈閣老劉公

雷奮龍猶卧雲俱鶴自閑一杯莘野月雙屐  
謝公山貴客常辭避田夫數往還桂庭秋偃  
蹇公醉拉誰攀

送白帥留守中都

幕府開淮甸山河繞漢陵曉霜迎旆入王氣  
及秋澄弩卧銅牙澁矛拋綠蘚增黃金印如  
斗應有異時徵

再送白帥

聖主下龍章將軍入鳳陽地盤淮海壯天擁  
漢陵長檠戟新開府威名古辟疆卜年元萬  
世王道是金湯

譚劉二子過賞牡丹

學舞花將起矜歌鳥自來日筵隨蔭徙風袂  
入香開李白昭陽調姚黃洛下杯古今君莫  
問且促醉輶迴

春日寄題崔學士後渠書屋

賦筆多崔瑗朋車媿呂安  
碧渠何日到雲樹  
一春看南果枇杷活西郊  
苜蓿寬覓君終繫  
馬艤棹是何灘

小園花發劉譚二君訂遊  
涉夏始至席

上

繾綣杯侵夜迂徐月轉庭  
醉尋松影立涼愛  
竹風聽老去朋情恕年來  
世事經玉繩天歷

歷誰識少微星

送譚子二首

國謚逾年至王臣觸暑行  
水花邀去節山鳥  
勸離觥久客交人廣携家  
念土輕玉筵頒扇  
日應注使回名

其二

聚賞蜂初課分携燕已雛  
泥鷺落夏簾花憶  
到春壺水路風旗進晴船  
暑氣無五雲赤日

外縹緲是皇都

和鄭生行經鳳陽

浩蕩興龍地盤旋踞虎形海吞淮水白天插  
楚峰青帝宅精靈聚陵宮虎豹扃萬年禋祭  
禮有道賴朝廷

鄭生至自泰山

昨汝登東嶽何峯是絕峰有無丈人石幾許  
大夫松海日低波鳥巖雷起窟龍誰言天下

小化外亦王封

送趙訓學滿歸二首

六旬千里客九載一羶歸路遠琴書重官貧  
妻子饑寒雲迎老髮河色戀征衣會有秋行  
伴關山新鴈飛

其二

宋代陳無已唐時鄭廣文道高官獨冷名美  
世同聞汝挈一羶去予憐雙袂分潛潛白首

淚長向渭西雲

贈陳生

白屋山中相。黃河水後田。家無釀酒秫。人索買書錢。雨過雲流野。風來浪接天。行行牛角上。猶掛古人編。

七夕雪臺子過東庄

村落元相接。園林亦互游。酒天携榼就。花夜對牀留。忽爾雙星候。冷然萬木秋。誰期頭白日。蕭灑共丹丘。

寄題高子君山別業

季札墳邊業。春申邑後山。一江平展鏡。兩港曲成環。不用雲烟擁。長春草木斑。隱君梯萬丈。倘許世人攀。

懷五岳山人黃勉之

吳下原多士。黃生更妙才。心常在五嶽。名已動三台。系自汝南出。文從西漢來。各天難見

汝翹首獨徘徊。

聞吳郡黃山人將遊五嶽寄贈二首

昨報三吳客。將尋五嶽遊。  
薜蘿應製服。春水正宜舟。  
二室雲中峻。三花烟外浮。  
住居吾幸邇。先肯到嵩丘。

其二

天柱峯頭雪。蓮花嶺畔雲。  
朗吟惟李白。獨往更黃君。  
婚嫁今應畢。藜鞋有幸分。  
共躋恒岱

徧歸著五遊文。

月食

有明終不減。暫掩亦何虧。  
萬國喧呼地。三更鼓角悲。  
輪生桂與發。光復兔還隨。  
顯晦每如此。人生祇自疑。

清明河上寓樓獨酌

一自違京邑。飄飄嘆此遊。  
桃花是往歲。竹葉轉新愁。  
暮雨津城樹。春帆水國樓。  
汴河堤上。

柳烟色似皇州

九日薛樓會集

不○倦○登○樓○目○遙○憐○秋○色○重○楓○村○疊○暗○浦○霜○日○  
抱○孤○峯○楚○越○窻○中○地○江○山○戰○後○容○倚○闌○渾○不○  
語○吾○欲○採○芙○蓉○

古意

內○廐○飛○龍○馬○君○王○賜○玉○鞭○長○鳴○彩○仗○下○立○在○  
紫○騮○先○放○逐○緣○何○事○飄○零○竟○不○旋○如○蒙○敝○帷○

顧萬里爲君前

除架二首

種○豆○高○于○屋○垂○瓜○忽○滿○庭○根○深○歷○夏○茂○蔓○弱○  
望○秋○零○猥○雜○沉○霜○露○縱○橫○礙○月○星○斧○斤○呼○稚○  
子○欲○伐○幾○回○停○

其二

炎○時○忻○密○葉○寒○至○怨○多○陰○自○是○衰○榮○理○非○關○  
愛○惡○心○伐○條○近○陽○月○開○牖○散○秋○禽○但○能○存○碩○



果無用嘆蕭森

獄夜雷電暴雨

一雨暮何急。孤眠宵未央。疾雷翻暗壁。落電  
轉空梁。勢極千山動。光還萬里長。天威終不  
測。魑魅可潛藏。

舟中病感

寒望舟中遠。鄉心病後多。萬山通越水。孤棹  
雜吳歌。霜已丹楓甚。吾如白髮何。倦遊常藥

物歸思繞關河。

徐汭風阻雨雪

阻舟江柳下。信宿五湖中。立水偏吞雨。飛沙  
半逆風。夜檣扶岼集。漁火亂波空。信有悲歡  
異。應知易地同。

雪夜廬山翫月

廬山萬古月。幾度雪邊明。影傍素林滅。層隨  
寒浪生。蔽岩疑有缺。侵鵲暗須驚。轉恐群星

如冰壺獨自行

早春赴鮑相之飲

憐汝一尊酒。要予千古臺。年從碧草換。暖向玉杯來。海日連波動。江鴻帶雪迴。衆賓無遽起。吾醉欲徘徊。

閒居寡營忽憶關塞之游遂成

西嶦千家落。防秋五百兵。山長元入塞。澗曲故穿營。靜夜聞熊鬪。黃昏報虎行。昔時欣歷

覽三駐白洋城

客至

訪隱春行早。衝風野興豪。鹿銜初出草。鶯坐半開桃。一叟烟霞僻。群公位望高。浚郊元此地。今日又干旄。

秋雨夜起

簷雨響不絕。披衣中夜興。寒聲壓高閣。濕氣逼疎燈。一鴈叫何處。數蛩吟可憎。誰能奮長

劍割破黑雲層

風

鈴閣晚猶急月窓宵漸輝稍驅雲霧散翻重  
雪霜威起坐爐湏擁晨看木盡稀徘徊問氣  
勢恐逼漢宮闈

菊時一種數本其一逾秋獨妍爰及至  
日黃華韡然當庭見者駭嘆携酒來  
賞予賦

正色干巖候殊姿破暮寒名均梅自妬節晚  
竹同看歲月陽回易冰霜爾立難無言載酒  
客繾綣近闌干

小鵲

簷際翻翻鳥將雛喞喞行攬眠真懊惱傳喜  
不分明化印何年就填河幾日平徒然盛生  
息群噪每能晴

許君話遊感舊四首之二

泉館舊曾到。跳珠今若何。數年魚不小。題壁  
客應多。照日輸金浪。回風散錦渦。君令樹菌  
蓄。勿逼古龍窩。

贈僧懷讓越人也。嗜酒。其居有借樹軒。  
訪舊來東社。焚香對病禪。素琴真與寂。濁酒  
反通玄。隣樹富經牖。春花落講筵。不逢支遁  
語。誰解越中傳。

送田生讀書上方寺

嗜靜甘違俗。藏修合就僧。綠移開徑竹。寒掃  
護窓藤。殿閣秋陰下。琴書爽氣增。不須匡氏  
壁。常有玉蓮燈。

九日上方寺

天地踈秋色。樓臺敞客歌。遠江寒自白。落木  
晚堪多。月爲銜盃出。鴻於鳴磬過。霜橫不歸  
去。吾意在烟蘿。

宋家行殿此山頭。千載行人水一丘。對眼黃蒿無玉砌。傷心錦  
纜有漁舟。小兒緇社得和我。日抱石。君臣棄國秋。漫倚南雲望  
南土。古奈龍靴是。中州。

訪何賊方益春新居二首

去年南汝在郴州。對酒時常使我憂。夏無客。解題鸚鵡。同  
誰。出。入。鳳。皇。樓。瀟湘夢澤。今虛遠。易水燕山。不斷遊。攜雨何  
差。車。馬。伴。卜。都。先。近。李。膺。舟。

博浪沙

博浪沙中擊。手。杖。走。鴻。門。帳。前。撞。玉。斗。誰。謂。張。良。貌。如。婦。赤  
帝。子。執。鞭。赤。龍。臣。也。請。歸。臣。赤。松。赤。松。子。在。何。許。君。不。見。朝。烹。  
狗。暮。縛。車。

李空同先生近體詩選

關中來 復陽伯甫選

天黨郭世元漱六甫校

七言律詩

前五首 俱應制 赴郊觀宿

城邊水色靜春茅。苑外鶯啼拂露梢。萬戶烟  
花臨複道。九天宮殿鎖南郊。霓旌夜發清溪  
繞。彩仗晨飛碧樹交。身到鈞天渾不解。坐聞

仙樂下雲旂

曉詣西壇候 駕

萬宇沉沉曉漏催。九關魚鑰遲明開。闐闐鼓  
角空中起。片片爐烟霧裏來。氣結龍文隨御  
幄。風傳虎旅發仙臺。叨從百辟觀周典。不向  
秋風數漢才。

扈從耕藉

天行近野團龍蓋。萬姓環門識袞袍。竟畝難

寬。卿相力藉耕無乃。聖躬勞侵壇碧草茸茸  
起。去殿紅雲冉冉高。巴忝賜筵思報述。郎陳  
潘賦愧詞曹。

桂殿

桂殿芝房曙色通。垂垂苑柳綠烟中。桑乾斜  
映千門月。碣石長吹萬里風。已有金吾嚴御  
陌。遙傳玉輅下齋宮。侍臣鵠立松陰裏。時倚  
紅雲望碧空。

謁陵

本朝陵墓傍居庸聞說先皇駐六龍一自玉  
輿回朔漠遂令金殿鎖秋峰明禋袞職雖多  
預備物祠官豈盡供報祀獨知今上切每於  
霜露見愁容

秋懷六首

龍池放舶他年事坐對南山憶往時紫閣峰  
如欺太白昆吾山自繞皇陂雙洲齒苔秋堪  
落亂木蕪葭晚更悲谷口子真今得否攀雲  
騎馬任吾之

其二

慶陽亦是先王地城對東山不窳墳白豹寨  
頭惟皎月野狐川北盡黃雲天清障塞收禾  
黍日落溪山散馬群回首可憐輦鼓急幾時  
重起郭將軍

其三

宣宗玉殿空山裏。野寺霜黃鎖碧梧。不見虎  
賁移大內。尚聞龍舸戲西湖。芙蓉斷絕秋江  
冷。環珮淒涼夜月孤。辛苦調羹三相國。十年  
垂拱一愁無。

其四

苑西遼后洗粧樓。檻外芳湖靜不流。亂世君  
臣那在眼。異時松柏自深愁。雕闌玉柱留天  
女。錦石秋花隱御舟。萬古中華還此地。我皇

親爲掃神州。

其五

大同宣府羽書同。莫道居庸設險功。安得昔  
時白馬將。橫行早破黑山戎。書生誤國空談  
裏。祿食驚心旅病中。女直外連憂不細。急將  
兵馬備遼東。

其六

曾爲轉餉趨榆塞。尙憶悲秋淚滿衣。沙白凍



霜月皎皎城孤哀。笛鴈飛飛運籌前後無功。  
伐推轂分明有是非。西國壯丁輸輓盡近邊。  
烟火至今稀。

探春

老去探春每怕遲。酒朋棋伴日相追。無心柳  
絮當人起。有意桃花背馬隨。臺榭草蒿離亂  
後。往來絃管古今悲。幽岵尚慮殘梅在。玉笛  
丁寧莫放吹。

冬歸繁臺別業湯興

莽曠孤城此卜居。宋臺梁苑獨行予。虛名馬  
愧千金後。白首螢憐萬卷餘。踏麥遽堪寒葉  
翠。看梅無那臘花舒。相逢莫漫嗔吾放。野醉  
郊吟盡可書。

歲暮

歲當癸酉廬山曲。冬盡扁舟記獨棲。湖海合  
冰龍晝立谿林壓。雪虎時啼陰陽晴晦雙過。

鳥南北行藏一杖藜今日中原對河嶽暮雲  
回首楚江西

無題戲效李義山體

曾倚清酣奏綵毫象牀冰簟玉樓高徐娘老  
去風情在班女愁來賦興豪秦柳日斜傷渭  
曲楚蘭春暮怨湘皋仙郎寂寞崑崙遠浪說  
人間有碧桃

和君席上賞海棠

老興看花不厭頻折紅攀綠總怡神孤枝解  
動雙樽影數朶能回四座春誰遣物華成歲  
色自多人世有閒身年來斷酒因脾濕爲爾  
還應暫入唇

潼關

咸東天險設重關閃日旌旗虎豹閒監地黃  
河吞渭水炎天白雪壓秦山舊京想像千官  
入餘恨逡巡六國還滿眼非無棄繻者寄言

軍吏莫嘆旗

榆林城

旌干嫋嫋動城隅十萬連營祇爲胡不見坐  
銷青海箭盡言能挽繡蝨弧白金獸錦非難  
錫鐵券貂璫莫浪圖昨夜照天傳砲火過河  
新駐五單于

大梁城東南角樓

城樓占角分孤峻野色生烟合杳冥華夏亦  
爲元社稷古丘曾是宋朝廷直看紫極雲霧  
壯背觸黃河風浪腥日暮馮軒益愁思夷門  
今有少微星

郊園餞御史許君屬牡丹盛開

曠圃風郊爾獨開國香仙色敢辭猜若先桃  
李名應減縱隔城池客自來穠壓野欄張燕  
待餞臨官路挽驄陪萬鬢千萼非容易忍遣  
臺霜近酒杯

待  
爲崔後渠詠棗竹亭

崔家孤亭萬竹裏。繞牕栗栗青琅玕。結實當  
春鳳不餒。託根有地龍且蟠。霜風飄蕭起空  
谷。美人翠袖生暮寒。彼淇盈盈一水隔。望而  
不見徒自嘆。

追舊寄徐子

憶昔逢君雪滿途。遙憐爲客向江湖。看碑定  
憶羊開府。作賦先投楚大夫。日黑魚龍逐夢

澤草青糜鹿上。姑蘇空揮玉軫。思流水不得  
驂騑見過都。

喬太卿宇宅夜別

竹梧池館夜偏寒。促席行杯漏未闌。燕地雪  
霜連海嶠。漢家鐘鼓動長安。吟猿見月移孤  
樹。宿鴈驚人起別灘。二十逢君同躍馬。十年  
回首咲彈冠。

宿江氏

尋山累日山中宿玉港圓鏡見爾家世遠樓  
臺喬木裏族繁門巷一溪斜深冬野竹猶風  
葉細雨簷梅已凍花惆悵哲人今異代玉峰  
回首碧參差

雨秋友人見過有贈

時芳已後重陽雨搖落深驚昨夜風鴉雀小  
亭雲竹靜蕪葭寒水瀨江東詩名海內逢高  
適人物吳中有阿蒙數過淹留非縱酒異鄉

搔首各飛蓬

正月二日臺卿李公監察毛公表公在  
駕而顧毛歸有作輒次其韻

君子三陽元並進朝廷四海况爲家冠彈貢  
氏非吾願星聚荀門敢自誇走洗玉盤深映  
竹○騎○嘶○驄○馬○半○銜○花○綠○尊○未○倒○歸○須○夜○臺○栢  
無言已宿鴉

限韻贈黃子

禁垣春日紫烟重。子昔爲雲我作龍。有酒每  
要東省月退朝。曾對掖門松。十年放逐同梁  
苑。中夜悲歌泣孝宗。老體幸強黃犢健。柳吟  
花醉莫辭從。

送李行人還朝

南使樓船滂北迴。西巡車駕歛東來。星辰再  
逐千官入。閭闔重臨萬國開。寒盡旌旗猶拂  
雪。春新環珮且沾梅。虞絃定有薰風奏。佇望  
陽和徧九咳。

逢吉生汴上

汴上相逢俱白頭。秦中却憶少時游。烟花樓  
閣春風日。錦繡山河百二州。未論聽鶯穿細  
柳。實因走馬出長楸。金尊邂逅今宵月。明發  
仍懸兩地愁。

寄題孫氏茗溪草堂。孫是時始有婚事。  
茗溪之傍何者丘。幾時自卜林塘幽。已聞寬

田足放鶴曾否餘錢無買舟。狎人鷓鴣元成  
偶近檻芙蓉故並頭。塵世要留風格在東南  
聊作醉鄉遊。

儀賓柳子以合懽芍藥見贈予自不識  
此花而柳云種蒔數年惟今歲雙朶  
時柳病方愈

賓卿贈藥驚竒異共蒂分葩踴合懽人手自  
摩雙萼嘆逢人恐當一花看並頭虛漫誇蓮  
蓋單瓣還應壓牡丹汝抱絲疴今幸愈和中  
天遣助平安

和見素林公詠懷詩原六首止  
選二首

青○天○萬○仞○削○芙○蓉○憶○踏○匡○廬○第○一○峯○哀○壑○暮  
雲○埋○虎○豹○大○江○春○浪○變○魚○龍○天○池○御○筆○親○留  
碣○石○室○山○僧○獨○扣○鐘○搔○首○昔○曾○霄○漢○上○舊○題  
應○被○紫○苔○封

其二

買園近闢三三徑。啓戶遙當六六峯。敢向大河誇樂土。且將名嶽寄行蹤。風林躍馬狐狸走。草澤回舟鴈鷺衝。昨復潁陽開別業。傍軒新徙具茨松。

除夕馮懷呈毛使君

晝日淒淒風色嚴。晚登雲閣漫開簾。山河不逐年華改。天地空悲老鬢添。隨俗香燈消獨夜。近人星斗下虛簷。微吟暗憶乘驄使。綵筆迎春幾自拈。

冬至前一日雪集

遽看風雪催長至。施具盤飧款近賓。片片窺簾如避酒。霏霏點袂却隨人。臺寒預發書雲興。梅動猶潛隔夜春。醉裏白頭堪北望。陽回黃屋且西巡。

元夕

千年爛熳熬山地。少小看燈忽二毛。兵後忍



聞新樂曲。月前真愧舊宮袍。南州樓閣烟花起。北極風雲嶂塞高。悵望碧天聊獨立。夜闌車馬尚滔滔。

于少保廟

朱仙遺廟已沾衣。少保新宮淚復揮。金匱山河丹券在。玉門天地翠華歸。平城豈合留高祖。秦相何緣怨岳飛。最怪白頭梁父老。哭栽松柏漸成圍。

李空同先生近體詩選

關中來 復陽伯甫選

天黨郭世元漱六甫校

五言排律

冬日靈濟宮十六韻

貝闕崑崙外。浮生此路疑。蓬萊移禁國。塵世出瑤池。萑爾雙仙跡。飛騰後晉時。論功竟恍惚。識兆且逶迤。愆憑精靈託。呼噓霹靂隨。先

皇親議號繼聖必修辭爵陟王侯上尊同帝  
者師龍襦分內錦宮女準昭儀雨露官城切  
星辰天仗移琳琅搖繡栢松栢蔭丹墀瓶內  
金花踊龕前紫鳳垂晴還日月秘暝則鬼神  
悲玉鬲推龍虎瑤編述姁兒漢惟樂大顯秦  
竟羨門欺五帝非無術千齡今見誰累朝盟  
誓冊玉櫃少人知

簡何舍人二十韻

黃扉通內閣左順切文華密勿君臣契尊崇  
禮數加詞頭存故事國體與宜麻奏絕銅函  
密封非墨勅斜四門欽舜闢隻日鄙唐邪乾  
斷人心協風淳主德遐萬方成就日六合迥  
爲家司馬元牛走臥龍曾兔置吹噓振羽翮  
變化奮泥沙邦計思劉宴兵謀愧左車分番  
春扣闥捧牘晚歸衙影拂垂城草香携出苑  
花讐經違白虎投筆困青蛇每憶仙池鳳私

慙省樹鴉拘羈那有遙追琢與無瑕不忍醒  
爲醉胡由玉倚葭聖朝巢父耳荒里邵平瓜  
稔抱丘園欲私祈紀運嘉鳴文極燕許熙載  
老姬牙帝澤川歸海浮雲莫蔽遮

少傅西涯相公六十壽詩三十八韻

龍馬千年會崧高萬古神負圖曾翊聖間氣  
又生申。穎拔元無敵清修况絕倫生來近日  
月齧鬣上星辰。懷橘休前輩探鰲祗後身早

承金馬詔竟冠玉堂賓。講幄時霑醉宮坊數  
賜珍文章班馬則道術孟顏醇。絕藝邕斯上  
高情頡籀隣一揮驚霹靂隻字破風塵。絢練  
王侯宅蒼茫海嶽濱幽劓光沕窟巨榜照嶙  
峒。星燦將軍碣雲垂學士珉。畦題半吳楚墨  
刻徧齊秦。振鷺天衢麗登龍野服臻。諸生彌  
濟濟夫子益循循。江漢誰堪濯桃梅自有春  
空傳馬融帳真慕介休巾。憶昔逢先廟援公

輔大鈞至人。虛密勿君子。以經綸。商鼎調和。  
切虞廷。吁咈頻。八方生氣象。萬物荷陶甄。日  
宴離黃閣。鷄鳴侍紫宸。羨分紫駝背。袍錫錦  
麒麟。顧命留元弼。今皇禮舊臣。屹然匡社稷。  
公論在朝紳。鶉首星躔徙。龍飛歲序新。風雲  
回甲子。天地慶茲辰。却老形如鶴。憂時髮若  
銀。含悽麾賀客。雅志爲蒸民。愚也蓬蒿士。蕭  
條塞鄙人。猥蒙嗟弱羽。從此躍塗鱗。原憲終  
多病。彭宣晚見親。臨洋徒嘆惋。學步轉澶洹。  
寶繪開蓬島。清歌頌大椿。微涓寧溢海。撮土  
詎增岷。古意同如此。中懷托具陳。願爲金石  
檝。永永濟迷津。

南浦驛見官押送來降鞬鞞詣桂林

款壘因王化。投荒荷主恩。官爲供廩餼。詔許  
挈兒孫。瘴雨凋胡服。蠻鄉引塞魂。分明共日  
月。耐可異乾坤。慘澹顏容變。軒昂故性存。鸞

弓望五嶺似欲遂平

程生遊華山也。誇我以絕觀，動我以靈篇，爰贈此章，抒我

夙懷。

君行值杪秋。飄登雲巔。咲弄石蓮花。俯嗽玉女泉。素時林  
松。女有無。嬉紫烟。遊騎西。茅龍。曾。逢。呼。子。先。夜。棲。何。處。室。  
遇師呼。何。詮。一。斥。噴。海。月。第。空。駕。風。旋。匪。然。毛。骨。換。錯。落。神。  
光。圓。晨。興。板。長。蘿。朝。誦。青。霞。篇。黃。河。衣。帶。去。蓬。萊。瞪。目。前。  
赤脚扶桑。仙。掌。紫。紅。鮮。伊。余。歎。茲。遊。挂。心。三。十。年。夢。想。落。雁。頂。樓。神。  
問。青。天。林。麓。限。層。雲。奮。飛。無。綠。安。能。振。衣。去。共。爾。追。群。仙。

李空同先生近體詩選

關中來 復陽伯甫選

天黨郭世元 漱六甫校

七言排律

送胡主事犒廣西軍便道來陽迎母二

十韻

七年重泛楚江舫。五兩飄颻過洞庭。諭蜀長  
卿元建節。平佗陸賈亦談經。地從湘口分吳

徼邑在衡陽。對軫星。此去先過杜陵院。與誰  
同上合江亭。炎花瘴草供行目。徭唱夷歌引  
客聽。鼯鼠晝啼諸洞黑。野猩晴語亂峯青。蠻  
荆本自勤周旅。南越終當繫漢庭。荔浦技窮  
甘釜盎。梧川兵接詫雷霆。威餘虎豹藜難采。  
血躁鯨鯢水尚腥。俄喜御書頒內帑。極知恩  
澤到重溟。兔臨烏照誰非土。陰慘陽舒各有  
靈。巢屋羽毛春拍拍。洗天風雨晝冥冥。花明  
幕府頻張宴。路出磨崖早續銘。馬援還朝銷  
薏苡。馮驩傲世倚青萍。蒼蒼百粵悲南狩。渺  
渺三湘吊獨醒。夢渚鴈回書不滯。武陵雲起  
思俱亭。悲傷蕙草追金勒。點綴桃花惜玉瓶。  
若道朱絃無絕響。詎應黃髮有遺刑。司徒邦  
計遙憐女。粉署爐香不可扃。綵服便須隨綵  
鷁。白頭同離白蘋汀。

何大復先生近體詩選

關中來 復陽伯甫選

天黨郭世元漱六甫校

五言律詩

送孫太守

五馬朝天日。傾城出餞時。倪寬行考最。何武  
去留思碧草。朱輪動青雲。皂蓋移。聖朝崇  
漢吏功業正當期。

中元夜月

片月東城上長風度早秋光臨青嶂發影抱  
碧潭流瀨氣沉沙浦餘輝戀水樓何人更吹  
笛關塞不勝愁

懷高鐵溪先生

僻居臨水次竹樹稍深幽對景非無酒登高  
亦有樓好風吹永夜片月度清秋不見孤舟  
至今令人憶子猷

孟冬

孟冬嚴氣至坐見物華微古樹猶秋色寒山  
半夕暉江湖深欲凍鴻鴈各知歸羸病便深  
臥從茲日掩扉

殘菊

寒叢後搖落冬至亦蹉跎病葉強相守孤英  
無柰何園籬空自愛霜霰暮還多幸有餘香  
在深杯為爾歌



懷沈子

沈○生○南○國○去○別○我○獨○悽○然○落○月○清○江○樹○歸○人○  
何○處○船○十○年○安○陸○舍○數○口○太○湖○田○想○到○鄉○園○  
日○生○涯○亦○可○憐○

登堅山寺

西○峰○插○天○起○絕○頂○寺○門○開○雲○裏○一○僧○住○山○中○  
無○客○來○落○花○平○講○席○積○草○徧○香○臺○我○欲○聞○清○  
梵○焚○香○坐○不○回○

寄焦太史蘊德

抱○璞○聲○名○舊○逢○時○意○氣○殊○麒○麟○出○天○廐○驥○裏○  
在○雲○衢○世○史○稱○司○馬○英○詞○繼○董○狐○遙○知○東○觀○  
裏○終○日○會○文○儒○

雨後次孟望之

斷○雨○藏○深○浦○殘○雲○霽○晚○空○人○家○亂○水○外○野○艇○  
夕○陽○中○風○急○鳴○江○鶴○天○高○落○塞○鴻○滄○浪○浩○歌○  
起○身○世○羨○漁○翁○

西郊烁興

舊家澗水上門向釣臺邊近市來沽酒中流  
坐放船蕪葭開晚照洲渚接寒天漁父如相  
識長歌過我前

得五清先生消息尚客澧州悵然有懷  
憔悴東都士吾師更可嗟三年爲逐客萬里  
未還家暮阻巴山雪春行楚岫花江湖無路  
覓流涕望天涯

其二

洞庭西去路消息幾回聞地僻難逢鴈天長  
祇見雲白蘋悲楚客瑤竹怨湘君宋玉哀師  
意空傳九辯文

壽徐廣文

七十六年過悠悠湖海人青松高比節黃鶴  
健如身子有徐卿貴官同鄭老貧春花歲滿  
眼常得醉佳辰

與徐生

念汝多風骨。論文亦有神。常懷萬里志。須愛百年身。涉海方知水。爲山不讓塵。眼前書史在。無限古今人。

送張秀才還固安

十月燕山雪。孤城易水風。旅魂迷白草。鄉淚劇丹楓。萬里書生筆。千鈞壯士弓。論文更好武。何地汝成功。

寄任宏器

白髮三年客滄江。萬里船相思。一回首。懷抱即依然。碧草成詩。夢桃花入醉眠。高車易傾覆。何似廣文氊。

元日哭先人墓

地下今安在。人間春自來。空餘萬行淚。不盡百年哀。松栢開神路。星河漏夜臺。林鳥暮啼急。佇立不能回。

社前一日上先墓

莽莽乾坤濶悠悠歲月過極知恩似海空有  
淚懸河巢燕營新壘林花發故柯春風如往  
日愁到此山阿

寺僧留宿

留宿頻經夜。虛空斷俗緣。獨吟依野衲。不寐  
聽山泉。水月人間地。香燈象外天。何時謝城  
郭。來此共安禪。

別寺僧是日立春

別寺逢春日山盤野菜長老僧朝具飯留客  
更焚香雨暮楓花靜雲寒栢樹蒼獨慚騎馬  
去塵事未能忘

懷西山

不到西峰久那堪病後情雲思丹壑臥花夢  
碧巖行城郭邀來往朝廷問姓名人間自多  
事嘆息此浮生

人每憶地

三

袁秀才書院芍藥

亦是傾國色開仍傍杏壇日  
遲深院落風轉曲闌干  
不恨先桃李皆言勝牡丹  
春華惟在此遊客好相看

趙生書堂竹

愛爾書堂竹青青耐久看到門  
惟一徑入院迥千竿雨映爐烟細  
霜生簟色寒晚來幽獨與題句刻琅玕

曉起見雪

曙色空窻裏鳴禽更好音  
幽棲忘盥櫛偃臥問晴陰  
卷幔山雲起開門野雪深  
不愁泥濘路騎馬度西岑

吹笙

寂寂花宮月何人吹玉笙  
響從銀漢落清過彩雲行  
夜靜疑天籟更深入梵聲  
幽心與禪意凄切轉關情

病馬

柴公有名馬。騎出自京華。峻耳批雙竹。竒毛散五花。老能知道路。病已困泥沙。貴賤誠如此。長吟爲爾嗟。

其二

踟躕才難盡。踟躕意若何。沙寒苜蓿短。路晚蒺藜多。不復馳金市。猶思歎玉河。側身千里外。常恐歲蹉跎。

送王判之永州

日出楚帆高。烁行不覺勞。衣裳南嶽霧。舟楫九江濤。謝傅非忘屐。王祥已佩刀。雲霄北萬里。風便一鴻毛。

送曾建昌取道還瀘州

之官懷印綬。過里訊松筠。峽纜牽瀘水。天梯截少岷。雲山蟠越嶠。錦樹雜冬春。日極西南日。高歌動我神。

送楊驛丞

聞說丹河地孤城海上開  
鹵烟出市井潮影動樓臺  
漢使傳宣過夷官入貢來  
皇華歌送客應閱出群才

送曹瑞鄉謫尋甸二首

逐客滇南郡雲天此路長  
高峽行萬里落日淚千行  
作賦投湘水題書寄夜郎  
殊方氣候異去矣慎風霜

其二

一封朝北極萬里暮南滇  
地遠投蠻府天高哭漢庭  
旅情生白髮行色傍秋星  
若過湘潭上休看杜若青

望東之生灯誠昭宗聖去玉然何以空天地乎

送呂內翰上陵

弓劍登天壽衣冠望國門  
碧山秋殿閣白露漢陵園  
雨落千官淚雲隨六帝魂  
詞臣松栢賦音繞鳳凰原

皇陵詩曰  
關皇陵閣  
龍帝抱每  
鬼神朝玉  
留天地  
昭宗聖  
聖宗  
聖宗

送李體仁按雲南

漢使西南域天王節制名九霄看鳳下萬里  
避驄行風偃蠻夷靜霜驅瘴癘清壯遊仍攬  
轡從此慰平生

贈王舉人

王子萬人英詩名少日成驪珠眠自抱天馬  
傍誰行旅食青楓改秋吟素髮生過逢見汝  
意潦倒愧吾情

贈呂道夫轉右給事

右掖言司舊重題御陞名碧霄通漢苑丹地  
接爍城報主褰龍袞驚人想鳳鳴懷中一諫  
草何日爲蒼生

贈時亮

象郡開梅嶺羅池傍柝州山川盤秀地文物  
迴風流丹就還珠洞書藏駕鶴樓風塵望爾  
去霄漢獨相求



閣內簡張員外

我在金門裏聞君候瑣闈去天俱咫尺瞻日  
共光輝柳下宮官出花邊閣吏稀晚來沙苑  
外騎馬欲同歸

大祀

金○榜○星○辰○幕○瑤○函○海○嶽○編○受○禧○同○漢○室○登○禪  
異○秦○年○日○抱○龍○旂○轉○天○沅○羽○蓋○旋○楊○雄○老○陪  
從○白○首○賦○甘○泉○

駕幸南海子

饒○音○發○桂○時○春○狩○踐○蘭○區○水○盡○緹○城○合○山○迴  
帳○殿○孤○公○卿○隨○八○駿○虎○旅○備○三○驅○如○聞○後○車○  
載○倘○遇○渭○川○夫○

荅潘都諫郊壇見遺之作

羽衛天行路龍帷御宿亭璧壇流霽月銀闕  
動春星諫獵心空赤逢時鬢尚青極知陪從  
地瞻切五雲停

除夕和以道懷弟之作

汝○弟○猶○吾○弟○君○家○更○幾○家○情○知○思○棣○萼○愁○與○  
對○椒○花○酒○罷○看○參○遠○燈○寒○望○斗○斜○相○憐○謝○池○  
草○明○日○又○春○華○

九月二十五日會曹汝學侍御于麓堂

夜歸遂過侍御宅

東○閣○留○樽○罷○西○臺○夜○過○時○題○詩○倚○驄○馬○換○酒○  
脫○金○龜○菊○院○霜○天○靜○楓○城○海○月○遲○向○來○秋○寺○

約還許赴佳期

出閣過勤甫省中

竹垣通左掖花省接仙郎並坐停杯晚高談  
卷幔涼水陰沉紺殿山影落雕墻愧我同朝  
客傳君寡和章

再遊郭氏園亭

仲夏一到此主人開水亭園林再駐馬臺榭  
已流螢細竹搖風牖孤雲度石屏停杯更暮

雨何限北崖青

同許補之劉子緯登定州塔

塔閣盤空上。笙簫遶洞行。懸梯出萬井。飛蓋俯孤城。燕岱風雲色。滹沱鴈鶩聲。登高並回首。宜北是神京。

夜歸昌化寺

日落歸山刹。松風處處聲。幽深不易到。昏黑更多驚。壑斷尋溪入。峰迴截嶺行。茲遊藉朋

好奇絕冠平生

詠天寧寺塔

七級芙蓉起。千年舍利藏。地形標海嶽。人代閱隋唐。鏡現三天象。珠含四日光。白毫空萬里。處處有迷方。

玉泉

行遊金口寺。坐愛玉泉名。雲去隨龍女。風來動石鯨。入宮朝太液。穿苑象昆明。却望天河

水迢迢萬古情。

鑑公房石鐙

石盃何年鑿瑤燈。此夕然雲流自五嶽。月色  
近諸天。定裏金輪轉光中。玉鏡懸西來不滅  
影。常照法筵前。

張侍御仲脩送弓

繡服意相親。彫弓把贈新。獨憐投筆志未老  
據鞍身。晝控鳴風鏑。宵彎抱月輪。倚天時一

望西北有胡塵

銅雀臺

美人望陵處。無復翠華過。殿冷閑歌吹。宮春  
罷綺羅。落花嬌靨盡。芳草怨魂多。日暮漳河  
水。東流空白波。

元夕

燈火萬家歡。高樓玉漏殘。舞留華月。緩歌裊  
綠雲。繁雪。郭春初。霽烟城夜不寒。畫橋垂柳

外遊女珊珊

觀荷

入院高荷密留尊齒苔遲絳房扶水萼翠蓋  
倚風枝檻坐明星夕窻過驟雨時流螢點點  
度故傍綠陰池

觀竹

相國西垣第新看種竹成葉香鳴鳳宿根古  
蟄龍生用洗琅玕色風傳竽籟聲山林輕肉

食心迹喜雙清

魯山院竹

泰公堂下竹覆地長新篁雨颭春墻碧風含  
石室涼經行留下榻晏坐對焚香遺響流笙  
鳳時時落上方

春鴈

花初背楚澤雪罷度桑乾漸起隨春色高飛  
犯朔寒書傳江國望陣倚塞門看憶爾常南

北無嗟行路難。

鴈

嗟○噫○胡○笳○怨○飄○飄○南○鴈○翔○長○風○度○關○塞○九○月○  
下○瀟○湘○積○水○浮○連○影○遙○空○起○斷○行○故○園○秋○望○  
盡○聞○爾○淚○沾○裳○

彼美東隣子

彼美東隣子花間白日醺纖腰人不見妙曲  
轉愁聞舞罷空明月歌餘尚彩雲章臺楊柳

樹花暮落紛紛

九日同陳侍御鳳谷宴

栢臺驄馬使蘭谷鳳仙家暫駐三秦節來看  
九日花風霜高錦樹雲日麗清沙去太層霄  
上回瞻北斗斜

寄彭幸菴中丞

山海藏身遠朝廷屬望頻駿功收戰伐龍  
卧偃經綸星宿黃河氣風雲華嶽神生才元

有待終起慰斯人

清明日病臥聞三司諸公出城

伏枕花辰過閉門樽酒空賓朋臨水上供帳  
出城中柳色龍池雨鶯歌杏苑風秦川多勝  
事遊賞未能同

秦府進曆

寶曆頒天闕金樽宴錦軒萬年周正朔七葉  
漢宗藩向日奠堦曉含風蕙砌暄同權承睿  
款歌舞頌乾元

昭烈廟

漂泊依劉計間關入蜀身中原無社稷亂世  
有君臣峽路元通楚岷江不向秦空山一祠  
宇寂寞翠華春

過華清宮

冬一作偶駐華清殿千秋憶翠華青山無帝宅  
荒草半人家雪下湯泉樹春回繡嶺花長安

望不遠誰見五陵霞

兩河口

東下商南路西辭蜀北門青山兩河口古戍  
百家村曲棧盤林杪危湍噴石根經過回白  
首蹤跡半乾坤

平溪

徒倚平溪館天高秋氣清  
水螢光不定山籟響難平  
夜火雲間戍寒楓江上城  
終宵無夢寐高枕聽灘聲

穫稻

穫稻妻孥喜中宵尚築塲  
但堪供俯仰那復問倉廂  
合畝黃雲盛翻匙白雪香  
更須催釀酒溪上鯉魚長

登釣臺

野濶窮秋出雲寒望未開  
萬峰遙駐馬殘日更登臺  
水落龍蛇蟄蟄作沙空鴈鶩來孤懷



對搖落吟罷有餘哀

西郊秋興

野屋清秋暮寒沙易朔風。歲年悲老樹岐路。  
感孤蓬醉豈逃名士。狂非避世翁。尋常門自  
掩無客到山中。

長安月

萬里長安月曾看照綺羅徘徊留舞席宛轉  
逐遊珂錦幌披青霧朱樓拂絳河佳人獨愁

思終夕抱雲和

劉朝信讀書山寺

嗜靜山中寺藏脩此度年白雲千嶂裏清夜  
一燈懸書卷留孤客盤飧傍老禪何時騎馬  
至訪爾古松邊

登西巖寺

西林禪誦地石壁倚天開曲磴千盤上飛泉  
道來園禽巢古殿野鹿過香臺共坐題詩

暮山花落酒杯

送宗魯使安南

日月天門迥，星辰海國遙。  
龍函隨勅命，使節下青霄。  
荒服周王域，南溟海將標。  
壯遊真萬里，無外見今朝。

送顧華玉謫全州

白日春城暮，孤雲天際陰。  
君行萬里外，予憶一何深。  
夏擬浮湘水，秋應到桂林。  
衡陽去不遠，莫使鴈書沉。

送毛汝厲按湖南

臘送鴈門節，春迎楚水艤。  
揚帆泛廣漢，擊楫渡長江。  
地絡蠻荆域，天躔翼軫邦。  
此行君不忝，才氣本無雙。

寺中齋居簡崔內翰張侍御

徑雪草生細，林寒鶯到稀。  
傷春懷二子，齋沐掩禪扉。  
石室樓金馬，天花落繡衣。  
分明共朝

市鷓鷯不同飛。

長春宮

夜宿仙人館晨聞鳳吹停玉牕開曉月丹井  
汲春星久秘長生訣空留不死庭下山回一  
望巖壑杳青冥

何大復先生近體詩選

關中來 復陽伯甫選

天黨郭世元漱六甫校

七言律詩

七夕

夜久高城風露收微雲斜漢兩悠悠閨中擣  
素思關塞樓上穿針待女牛屏燭影深秋似  
水池花香淡月如鉤桂宮高處寒多少誰念

嫦娥此夜愁。

華容弔楚宮

別館離宮紛綺羅。細腰爭待楚王過。章華日晚春遊盡。雲夢天寒夜獵多。廢殿有基人不到。荒臺無主鳥空歌。西江烟月長如舊。只有繁華逐逝波。

月潭寺

玲瓏金刹白雲邊。踏閣攀林一徑穿。龍出洞

門常作雨。鶴巢松樹不知年。僧來殿上鳴鐘。飯客到山中借榻眠。怪底夜來難得寐。秋風窓下遶流泉。

秋興八首之三

前歲今皇新御極。鳳銜恩詔出明廷。孤槎奉使日南國。萬里題詩天畔亭。地入金沙江浩浩。風連銅柱海冥冥。昆明亦在滇城里。池上虛疑織女星。

袁惟學南園

樹裏行盃坐日斜池邊立馬聽鳴鴉苔陰雨  
暮寒青竹水色春深靜白沙開徑蓬蒿無俗  
客入城花柳似山家百年懷抱君應識不是  
淹留爲物華

八日王宗哲宅見菊

燕臺菊樹艷秋堂楚客鄉心益渺茫人世幾  
回逢一笑天涯明日過重陽高雲錦石寒相  
映細雨清沙濕不妨况是右丞多雅詠可能  
無興醉花傍

得獻吉江西書

近得潯陽江上書遙思李白更愁予天邊羈  
魅窺人過日暮鼃鼃傍客居鼓柁襄江應未  
得買田陽羨定何如他年淮水能相訪桐栢  
山中共結廬

送施聘之侍御

常州荆溪  
懶杜牧云  
年方中棹陽  
訪吾閣

上天台乃方  
每支道林  
靜處

海甸春風攬轡情。燕關驄馬去還鳴。繡衣霄漢花間出。錦纜江湖樹裏行。近日鹵臺多諫草。少年南國有詩名。別絃更憶風流調。愁聽東城二月鶯。

雨過何太僕

簷日陰陰喧晚雷。坐深庭樹不思回。捩風鶴鶴城邊去。截雨虹蜺海上來。詩興西堂還舊草。酒杯東閣又官梅。陰符遁甲談兵罷。愁向

煙塵兩鬢催

天壇雷道士院

帝宮高鎖漢郊畿。羽士琴書靜可依。蘿洞晝棲雲霧入。石壇秋禮珮環歸。叢叢晚竹臨風整。嘒嘒玄蟬曳日微。渡海却思千載事。買山今恨十年違。

送衛進士推武昌

少年佐郡楚城居。十郡風流盡不如。此去且

隨○彭○蠡○鴈○何○須○不○食○武○昌○魚○仙○人○樓○閣○春○雲○  
裏○賈○客○帆○檣○晚○照○餘○大○別○山○前○江○漢○水○畫○簾○  
終○日○對○清○虛○

九日獨酌簡何太僕

無○客○秋○堂○菊○自○芳○寒○城○獨○酌○對○重○陽○愁○來○轉○  
覺○登○臺○懶○病○裏○誰○傳○落○帽○狂○海○內○弟○兄○非○異○  
姓○楚○南○賓○客○本○同○鄉○十○年○躡○馬○從○君○地○風○雨○  
看○花○意○不○忘○

閣直立春日雪

天○門○聖○雪○瞻○華○盖○御○苑○迎○春○試○碧○桃○牕○色○向○  
明○通○散○帙○鑪○烟○當○晝○引○揮○毫○雲○連○睥○睨○銀○城○  
迥○風○繞○翠○鳧○玉○殿○高○綵○仗○數○移○西○闕○宴○金○花○  
虎○映○北○宮○袍○  
予三百乃得七律五字起法矣

立春日

楚○客○年○華○悲○塞○國○燕○京○春○色○念○江○潭○香○迎○苑○  
雪○梅○先○放○翠○入○宮○烟○柳○乍○含○行○在○旌○旗○猶○駐○

北朝廷冠冕自通南。青山起策青藜杖。白髮羞看白玉簪。

送陸舍人使吳下

柳拂清江畫鷁飛。節旄更喜便南歸。迴風樹裏吹吹一作催官騎。返照河邊上客衣。北固樓臺秋寺遍。長洲花草故宮非。登臨莫恠多詞賦。吳下才人是陸機。

何大復先生近體詩選

關中來 復陽伯甫選

天黨郭世元 漱六甫校

五言排律

郊觀二十二韻

今代園丘地。天開壯麗區。神祇二后配。禮樂百王殊。制作由皇祖。儀章藉老儒。萬靈欽受紀。七聖亶承圖。柴望兼虞典。登封畧漢



模。巍。基。錯。采。繪。法。象。備。堪。輿。丹。戶。乾。坤。闢。雕。  
墻。海。嶽。扶。瑤。壇。上。星。斗。琳。觀。俯。虛。無。輔。弼。朝。  
玄。座。勾。陳。衛。紫。樞。風。含。浴。殿。暖。雲。裊。露。盤。孤。  
好。時。瞻。春。祀。嵩。高。聽。夜。呼。公。侯。守。禁。籞。虎。旅。  
發。金。吾。玉。輦。臨。犧。宰。珍。饈。走。膳。夫。廟。縣。鏞。鼓。  
列。庭。舞。羽。干。趨。俎。豆。聯。周。簋。圭。璋。飾。夏。瑚。禘。  
官。足。錦。繡。道。士。住。蓬。壺。澤。草。三。花。綻。宮。霞。五。  
色。敷。時。時。聆。磬。管。鬱。鬱。鎖。松。梧。日。月。藏。金。匱。  
龜。龍。祕。赤。符。祈。天。洪。洛。誥。渡。海。斥。秦。誣。杜。甫。  
唐。三。禮。班。生。漢。兩。都。侍。臣。從。此。賦。千。載。頌。文。  
謨。

送鄭伯生送親還夷陵

送喜潘輿動承懽解玉簪私情烏鳥疏恩詔  
鳳凰林晝錦供菜服秋懷罷越吟路難回馭  
志江穩放舟心雨露殘冬景風塵靜夕陰荆  
門巴國盡巫峽楚宮深碧樹猶春色黃鸝更

好音莫因鄉土樂長往故山岑

聞河南捷呈閣內諸公

近得河南定旋收東海疆元兇親受縛餘孽  
遠潛藏始失徐關險終連郢塞長狐狸窺社  
稷螻蟻竊侯王清洛千營駐黃河一葦航詎  
能逃汝漢那敢傍嵩邛勇畧傳諸將兵威借  
朔方中丞兼節制上宰極扶匡霽色瞻宮殿  
陰氛散渺茫凱音連報捷獻壽屢稱觴天

子開麟閣群公奉栢梁中興當此日漢武是  
今皇愴往衣冠禍哀茲盜賊猖缺戕悲相  
國開網見殷湯格鬪中原血誅求海內瘡猶  
湏哀痛詔可少治安章斟酌調元氣扶持立  
紀綱薦新行太廟覽政坐明堂不獨殲豺虎  
還應感鳳凰蒼生倚君相拭目看時康

子衡在獄感懷二十韻

朋儔日乖蹇念汝涕如瀆賈誼生非晚鄒陽

志不群書從梁獄上哭向漢庭聞天地虞羅  
密江湖鈎餌芬路豺那可問屋鼠竟難熏已  
懼蒼蠅點真成貝錦文神龍在污淖鷺鳥失  
青雲日月盆還覆薰蕕噐不分斗間誰辨劔  
野外枉懷芹談虎嗟何及亡猿禍已云高才  
元脫畧衆口但紛紜木直防先伐蘭芳忌自  
焚晝臺幽白日冬井下霜氛曉榻明星晷陰  
墻白草曛連驂虛繾綣尺牘阻慙慙石父遭  
齊相鍾儀滯楚軍受書賢不死演易聖猶勤  
縲紲終非罪文章固有勲燕臣霜霰烈庶女  
震雷殷佇見天王聖金雞早赦君



